



Aningaasaqarnermut Aatsitassanullu Naalakkersuisoq

Ulloq: 29. marts 2016
J.nr.: 01.31.06/16-00708

Aningaasaqarnermut Akileraartarnermullu Ataatsimiititaliap pingasunngornermi ulloq 23. marts 2016-imi aalajangiineranik Naalakkersuisunut ilisimatitsineq.

Kalaallit Nunaata Ammeriviani iliuusissanut pilersaarummi iluarsiiisuteqarnissami ilassutitut aningaasaliisoqarnissaanut qinnuteqaat. - Suliaq nr. 01.31.06/16-00708.

”Naalakkersuisut inassutigaa,”

- Kontomi pingaarnermi 64.10.17 Nunami inuussutissarsiutinut takornariartit-sinermullu tapiissutit qaffanneqassasut 2,75 mio. kr.-inik 2016-imi Kalaallit Nunaata Ammeriviani iliuusissatut pilersaarutit iluarsiiisuteqartinneqarneranut.
- Kontomi pingaarnermi 20.11.50 Ingerlatsineranut sillimmatit annikillineqassasut 2,75 mio. kr.-inik 2016-imi.”

Aningaasaqarnermut Akileraartarnermullu ataatsimiititaliap oqaaseqaatai apeqqu- taalu:

Inuussutissarsiornermut, Niuernermut Nunanullu Allanut Naalakkersuisoq ulloq 23. marts 2016 siunersiorneqarnissamut Aningaasaqarnermut Akileraartarnermullu Ataatsimiititaliamit aggersarneqarpoq. Ataatsimiititaliaq siunersiuinissamut aggeqqusissummi Naalakkersuisunut arlalinnik apeqquteqarpoq. Taamaaliornikkut suliasap naammattumik paasinarsinneqarnissaata annertunerusumik qulakkeerneqarnissaa ataatsimiititaliamit kissaatigineqarluni. Naalakkersuisut matumani inassuteqaataannut inaarutaasumik isummernissani ataatsimiititaliap tassunga atatillugu kinguartippaa.

Siunersiuinerup kingorna suliamut matumani pineqartumut ataatsimiititaliaq allamik oqaaseqaatissaqanngilaq.

Aningaasaqarnermut Akileraartarnermullu ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarpoq.**

Ataatsimiititaliaq sinnerlugu

Jens Immanuelson

Aningaasaqarnermut Akileraartarnermullu Ataatsimiititaliap Siulittaasua